



Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-2965/23
Datum: 28.09.2023. godine

Na osnovu člana 14. stav 4. Zakona o eksproprijaciji („Službene novine Federacije BiH“, broj: 70/07, 36/10, 25/12 i 34/16), člana 20. stav 1. tačka 7. i člana 106. stav 3. Statuta Općine Breza ("Službeni glasnik Općine Breza", broj: 7/21), rješavajući po prijedlogu JP Elektroprivreda BiH d.d. – Sarajevo, Podružnica „Elektrodistribucija“ Zenica, za utvrđivanje javnog interesa za izgradnju infrastrukturnog objekta – izmještanje dijela kablovske veze „KB 10kV 35kV Breza-DV za TS Sutješko“, Općinsko vijeće Breza na 32. redovnoj sjednici održanoj dana 28.09.2023. godine, d o n o s i

ODLUKU

o utvrđivanju javnog interesa

Član 1.

UTVRĐUJE SE DA JE OD JAVNOG INTERESA izgradnja infrastrukturnog objekta – izmještanje dijela kablovske veze „KB 10kV 35kV Breza-DV za TS Sutješko“, te se radi gradnje i održavanja navedenog infrastrukturnog objekta, može pristupiti nepotpunoj eksproprijaciji (ustanovljenju prava služnosti) na dijelovima nekretnina označenih kao:

- k.č. br. 683/2 k.o. Breza, zv. „Jasike“, Ostalo neplodno zemljište, upisana u Zemljišnoknjižni uložak br. 138 k.o. Breza, upisana i u Posjedovni list br. 137 k.o. Breza, u vlasništvu i posjedu Općine Breza sa dijelom 1/1,

- k.č. br. 683/11 k.o. Breza, zv. „Jasike“, Ostalo neplodno zemljište, upisana u Zemljišnoknjižni uložak br. 138 k.o. Breza, upisana i u Posjedovni list br. 137 k.o. Breza, u vlasništvu i posjedu Općine Breza sa dijelom 1/1,

Član 2.

Određuje se da je JP Elektroprivreda BiH d.d. – Sarajevo, Podružnica „Elektrodistribucija“ Zenica, korisnik nepotpune eksproprijacije u svrhu izgradnje infrastrukturnog objekta – izmještanje dijela kablovske veze „KB 10kV 35kV Breza-DV za TS Sutješko“.

Član 3.

Protiv ove Odluke može se pokrenuti upravni spor, podnošenjem tužbe Kantonalnom sudu u Zenici u roku od 30 dana od dana dostavljanja ove Odluke.

Tužba se podnosi neposredno nadležnom sudu.

PREDSJEDAVAJUĆI
Općinskog vijeća
Anel Rihić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-2983/23
Datum: 28.09.2023. godine

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06, 51/09), članova 43. i 47. Zakona o sportu Zeničko-dobojskog kantona („Službene novine Zeničko-dobojskog kantona“ broj 6/17 – Prečišćeni tekst), Budžeta Općine Breza za 2023. godinu, člana 37. Odluke o izvršavanju Budžeta za 2023. godinu („Službeni glasnik Općine Breza“, broj 10/22), Odluke o načinu i postupku raspodjele sredstava za finansiranje sportskih aktivnosti („Službeni glasnik Općine Breza“, broj 4/21), Odluke o izmjeni Odluke o načinu i postupku raspodjele sredstava za finansiranje sportskih aktivnosti („Službeni glasnik Općine Breza“, broj 7/21), Odluke o dopunama Odluke o načinu i postupku raspodjele sredstava za sportske aktivnosti („Službeni glasnik Općine Breza“ broj 6/23), člana 20. stav 1. tačka 26. Statuta Općine Breza („Službeni glasnik Općine Breza“, broj 7/21) i prijedloga Programa raspodjele sredstava za podršku realizaciji projekata iz oblasti sportske infrastrukture, broj 01/2-04-2781-3/2023 od 25.09.2023. godine, Općinsko vijeće Breza na 32. redovnoj sjednici održanoj dana 28.09.2023. godine, donosi;

O D L U K U

o usvajanju Programa raspodjele sredstava za podršku realizaciji projekata iz oblasti sportske infrastrukture iz Budžeta Općine Breza za 2023. godinu

I. OPĆE ODREDBE

Član 1.

Ovom Odlukom utvrđuje se Program raspodjele sredstava za podršku realizaciji projekata iz oblasti sportske infrastrukture iz Budžeta Općine Breza za 2023. godinu, Grant neprofitnim i nevladinim organizacijama, Transfer za podršku realizaciji projekata iz oblasti sportske infrastrukture, konto 614300, u visini 50.000,00 KM.

Član 2.

Sredstva iz člana 1. ove Odluke raspoređuju se na način kao što je opisano u tabeli broj 1.

Tabela broj 1.

Red br	Projekat	Nosilac projekta	Iznos sredstava
1.	Postavljanje rasvjete na pomoćnom terenu Gradskog stadiona u Brezi	Fudbalski klub „Rudar“ Breza	20.000,00 KM
2.	Osvjetljenje stadiona Bosanskih šehida Župča	Fudbalski klub „Mladost“ Župča	20.000,00 KM
3.	Utopljanje sportske dvorane u Domu Mahala	Sportski Kick boks klub „Spartak“ Breza	4.600,00 KM

Član 3.

Sredstva u visini od 5.400,00 KM će se preraspodijeliti za redovne aktivnosti sportskih klubova i udruženja sa područja Općine Breza, a dodjeljivat će se namjenski putem posebnih zaključaka Općinskog načelnika, na osnovu zahtjeva sportskog kluba, saveza, društva ili pojedinca, a na prijedlog Službe za finansije, inspeksijske poslove i opću upravu

Član 4.

Za odobrene projekte iz člana 2. ove Odluke Općinski načelnik će sa nosiocem projekta potpisati poseban ugovor sa jasno definisanim obavezama nosioca projektnih aktivnosti i vremenom implementacije projekta.

Rok za implementaciju odobrenog projekta ne može biti duži od 12 mjeseci od dana potpisivanja ugovora.

Sredstva za finansiranje odobrenih projekta isplatit će se u jednom cjelokupnom iznosu o toku klandarske 2023. godine, a što će biti precizirano posebnim ugovorom.

Član 5.

Ova Odluka stupa na snagu danom objavljivanja u „Službenom glasniku Općine Breza“.

PREDSJEDAVAJUĆI
Općinskog vijeća
Anel Rihčić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-2976/23
Datum: 28.09.2023. godine

Na osnovu člana 13. stav 2. alineja 18. Zakona o principima lokalne samouprave u Federaciji Bosne i Hercegovine („Službene novine FBiH“ broj: 49/06 i 51/09) i člana 20. stav 1. tačka 2. Statuta Općine Breza („Službeni glasnik Općine Breza“, broj: 7/21) i člana 43. Odluke o izvršavanju Budžeta Općine Breza za 2023. godinu („Službeni glasnik Općine Breza“, broj: 10/22), Općinsko vijeće Breza na 32. redovnoj sjednici održanoj dana 28.09.2023. godine, d o s i

P R O G R A M

UTROŠKA SREDSTAVA UTVRĐENIH BUDŽETOM OPĆINE BREZA ZA 2023. GODINU SA KRITERIJIMA RASPODJELE „TEKUĆI TRANSFER POSLODAVCIMA ZA RAZVOJ PODUZETNIŠTVA I OBRTA“

Podaci o Programu:

Program utroška sredstava iz Budžeta Općine Breza „Tekući transfer poslodavcima za razvoj poduzetništva i obrta“ za 2023. godinu, sa kriterijima raspodjele, temelji se na planiranim sredstvima za ovu namjenu u Budžetu Općine Breza za 2023. godinu sa pozicije:

„Tekući transfer poslodavcima za razvoj poduzetništva i obrta“:

Period za koji se donosi Program	2023. godina
Period realizacije Programa	2023. godina
Krajnji rok realizacije Programa	31.12.2023. godine
Ukupna vrijednost Programa: „Tekući transfer poslodavcima za razvoj poduzetništva i obrta“	50.000,00 KM

I - UVOD:

Programom utroška sredstava iz Budžeta Općine Breza „**tekući transfer poslodavcima za razvoj poduzetništva i obrta**“ za 2023. godinu, Općina Breza nastoji ublažiti negativne efekte koji su nastali kao posljedica dešavanja u svijetu u tekućoj i prethodne dvije godine, te stvoriti povoljnije uslove za održavanje proizvodnih/uslužnih aktivnosti privrednih subjekata na postojećem nivou i povećanje broja zaposlenih kroz zapošljavanje i samozapošljavanje.

Pri izradi Programa za 2023. godinu uvažavali su se slijedeći parametri:

- resursne mogućnosti općine Breza;
- kontinuitet podsticajnih mjera i iskustva u realizaciji novčanih podrški podsticajnih mjera prethodnih godina;
- strategija razvoja Općine Breza;
- programske obaveze općinskog načelnika;
- analiza realizacije Programa novčanih podrški i efekata dosadašnjih programa poticajnih mjera;
- prijedlozi i sugestije udruženja poslodavaca Općine Breza;
- visina sredstava koja su predviđena Budžetom Općine Breza;
- ostale odrednice.

Na osnovu svih, u uvodu navedenih parametara, sačinjen je Program utroška sredstava utvrđenih Budžetom Općine Breza za 2023. godinu sa kriterijima raspodjele „**Tekući transfer poslodavcima za razvoj poduzetništva i obrta**“.

II - NAČIN OSTVARIVANJA PODRŠKE

Subvencije za razvoj poduzetništva i obrta mogu ostvariti poduzetnici i obrtnici koji ispunjavaju uslove propisane ovim Programom.

Oglašavanje Programa izvršit će se javnim pozivom putem lokalnih medija, udruženja poslodavaca, oglasne table Općine Breza i Općinske web stranice.

Korisnici podnose zahtjev sa propisanom dokumentacijom nadležnoj Općinskoj službi, putem šalter sale za usluge građanima ili putem pošte, sa upisanom adresom:

OPĆINA BREZA

Komisija za realizaciju Programa „Tekući transfer poslodavcima za razvoj poduzetništva i obrta“ za 2023. godinu, ulica Bogumilska br. 1, 71370 Breza

Zaprimljeni zahtjevi bit će proslijeđeni komisiji za realizaciju Programa na dalje postupanje čiji je zadatak da ispita formalno - pravnu ispravnost zahtjeva (opravdanost, potpunost i blagovremenost) i eventualno zatraži dopunu zahtjeva. Na osnovu zahtjeva koji

budu ispunjavali formalno-pravne uslove komisija će izvršiti obračun podrške, pripremiti preliminarnu listu korisnika, nakon čega će se donijeti konačna lista na osnovu koje će općinski načelnik donijeti odluku o isplati sredstava na ime subvencioniranja doprinosa. Komisiju za realizaciju Programa rješenjem će imenovati općinski načelnik.

III KORISNICI PROGRAMA

Korisnici Programom planiranih sredstava su poduzetnici i obrtnici sa sjedištem na području Općine Breza i čija djelatnost poslovanja je vezana za:

- trgovinske radnje do devet uposlenih, trgovci pojedinci;
- obrnici (prevoznici-teretna motorna vozila, autoškole, obrti registrovani za turističku djelatnost, frizerski saloni, obrađivači metala do pet uposlenih-bez primarne proizvodnje, automehaničari, autoservisi, usluge šivanja, popravak komunikacijske opreme, završni radovi u građevinarstvu, knjigovodstvo, cvjećare, stolari, zlatari, autolakireri, popravak namještaja i pokućstva, djelatnost pakiranja, proizvodnja ostalih proizvoda od plastičnih masa, elektroinstalacijski radovi, mesnice, agencije za promociju, reklamu i sl.)
- ugostiteljske radnje (restorani, slastičarne, pekare, kafići, buregdžinice, čevabdžinice sl.);
- društva ograničene odgovornosti do pet uposlenih.
- samostalne djelatnosti (stomatološke djelatnosti i sl.)

Privredni subjekti koji su dobili poticaje sa nekog drugog nivoa vlasti u 2023. godini, ne može dobiti sredstva iz ovog Programa.

IV NAMJENA FINANSIJSKIH SREDSTAVA:

1. Subvencioniranje doprinosa na teret osiguranika

Financijska sredstva koja su planirana Programom „**Tekući transfer poslodavcima za razvoj poduzetništva i obrta**“ za 2023. godinu, u iznosu od 40. 000,00 KM namijenjena su za subvencioniranje doprinosa iz osnovice (na teret osiguranika) i to doprinosa za penzijsko i invalidsko osiguranje, doprinosa za zdravstveno osiguranje i doprinosa za osiguranje od nezaposlenosti za jedan mjesec jednog uposlenika, korisnika Programa.

Ukoliko korisnik Programa nema uposlenika i sam obavlja djelatnost, visina subvencije će se obračunati u visini subvencije koja bude preovladavala za uposlenike ostalih korisnika Programa.

2. Podrška novootvorenim obrtima

Financijska sredstva koja su planirana Programom kao podrška novootvorenim obrtima, u iznosu od 10.000,00 KM namijenjena su za subvencioniranje doprinosa iz osnovice (na teret osiguranika) i to doprinosa za penzijsko i invalidsko osiguranje, doprinosa za zdravstveno osiguranje i doprinosa za osiguranje od nezaposlenosti za obrtnike koji su u periodu od 14.07.2022. godine do objave ovog javnog poziva u sredstvima informisanja registrovali obrt, a prije toga su bili u evidenciji nezaposlenih lica Zavoda za zapošljavanje Općine Breza.

Doprinosi za novootvorene obrte će se subvencionirati tri mjeseca od dana obrade zahtjeva i donošenja konačne liste korisnika. Obaveza korisnika subvencije doprinosa je da ne mogu najmanje 6 (šest) mjeseci od dana dobijanja sredstava odjaviti djelatnost za koju su dobili sredstva.

V POTREBNA DOKUMENTACIJA:

Uz zahtjev za odobravanje sredstava, korisnik Programa je obavezan dostaviti sljedeću dokumentaciju:

- Ovjerenu kopiju rješenja o registraciji djelatnosti;
- Identifikacioni broj;
- Specifikaciju uz uplatu doprinosa poduzetnika sa prebivalištem u Federaciji BiH (obrazac 2002 za vlasnika ili obrazac 2001 za zaposlenika) za mjesec avgust 2023. godine, odnosno za period naveden u poglavlju IV tačka 2. za novootvorene obrte;
- Broj žiro računa otvoren u poslovnoj banci na koji će biti doznačena sredstva.

Po stupanju na snagu Programa općinski načelnik će imenovati komisiju za realizaciju Programa. Izvještaj o realizaciji Programa sa prijedlogom utroška eventualno preostalih sredstava podnijet će se Općinskom vijeću Breza najdalje 30 dana od dana donošenja konačne liste korisnika i odluke o isplati sredstava korisnicima.

Program stupa na snagu danom donošenja i isti će biti objavljen u Službenom glasniku Općine Breza.

PREDSJEDAVAJUĆI
Općinskog vijeća
Anel Rihčić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-3046/23
Datum: 28.09.2023. godine

Na osnovu člana 13. stav 2. alineja 5. i člana 35. stav 3. Zakona o principima lokalne samouprave („Službene novine Federacije BiH“, broj: 49/06 i 51/09), člana 20. stav 1. tačka 7. i člana 106, stav 3. Statuta Općine Breza ("Službeni glasnik Općine Breza", broj: 7/21), Općinsko vijeće Breza na 32. redovnoj sjednici održanoj dana 28.09.2023. godine, donosi

ZAKLJUČAK

Član 1.

Poslovne zgrade i prostorije na kojima pravo raspolaganja ima Općina Breza, ne mogu se dodjeljivati političkim strankama u zakup.

Član 2.

U Odluci o dodjeli u zakup poslovnih zgrada i prostorija na kojima pravo raspolaganja ima Općina Breza („Službeni glasnik Općine Breza“, broj: 3/17, 10/21 i 1/23), brisat će se alineja 3. u članu 19. stav 1.

Član 3.

Za realizaciju ovog Zaključka zadužuje se Općinski načelnik i Služba za prostorno uređenje, zaštitu okolice, geodetske i imovinsko-pravne poslove.

Član 4.

Ovaj Zaključak stupa na snagu danom objavljivanja u "Službenom glasniku Općine Breza".

PREDSJEDAVAJUĆI
Općinskog vijeća
Anel Rihčić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-2960/23
Datum: 28.09.2023. godine

Na osnovu člana 121. stav 3. Statuta Općine Breza ("Službeni glasnik Općine Breza", broj: 7/21) prilikom razmatranja Informacije o izvršenju Budžeta Općine Breza za period 01.01.2023. godine do 30.06.2023. godine, Općinsko vijeće Breza na 32. redovnoj sjednici održanoj dana 28.09.2023. godine, donosi

ZAKLJUČAK

I

USVAJA SE Informacija o izvršenju Budžeta Općine Breza za period 01.01.2023. godine do 30.06.2023. godine.

II

Zaključak objaviti u „Službenom glasniku Općine Breza“.

Dostavljeno:
1x Služba za finansije
1x Općinski načelnik
1x Evidencija
1x Arhiva

PREDSJEDAVAJUĆI
Općinskog vijeća
Anel Rihčić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-2976/23
Datum: 28.09.2023 godine

Na osnovu člana 121. stav 3. Statuta Općine Breza ("Službeni glasnik Općine Breza", broj: 7/21) prilikom razmatranja Programa utroška sredstava utvrđenih Budžetom Općine Breza za 2023. godinu sa kriterijima raspodjele „Tekući transfer za razvoj poduzetništva i obrta“, Općinsko vijeće Breza na 32. redovnoj sjednici održanoj dana 28.09.2023. godine, donosi

ZAKLJUČAK

I

USVAJA SE Program utroška sredstava utvrđenih Budžetom Općine Breza za 2023. godinu sa kriterijima raspodjele „Tekući transfer za razvoj poduzetništva i obrta“, uz usvojenu

izmjenu na prijedlog Programa, a koja se odnosi na predviđeni vremenski rok nemogućnosti odjave djelatnosti u poglavlju IV. odjeljak 2. stav 2., gdje umjesto predloženog roka od „1 j(edne) godine“ propisuje se rok od „6 (šest) mjeseci“.

II

Za realizaciju Program utroška sredstava utvrđenih Budžetom Općine Breza za 2023. godinu sa kriterijima raspodjele „Tekući transfer za razvoj poduzetništva i obrta“ zadužuje se Služba za privredu i Komisija za realizaciju programa koju će imenovati Općinski načelnik.

III

Zaključak objaviti u „Službenom glasniku Općine Breza“.

Dostavljeno:

1x Služba za privredu

1x Općinski načelnik

1x 01/1

1x a/a

PREDSJEDAVAJUĆI

Općinskog vijeća

Anel Rihčić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-3018/23
Datum: 28.09.2023 godine

Na osnovu člana 121. stav 3. Statuta Općine Breza („Službeni glasnik Općine Breza“, broj: 7/21) prilikom razmatranja Inicijative o pokretanju aktivnosti na iznalaženju rješenja za omogućavanje liječenja građana Breze u Kliničkom centru Sarajevo, Općinsko vijeće Breza na 32. redovnoj sjednici, održanoj dana 28.09.2023.godine, donosi:

Z A K L J U Č A K**I**

USVAJA SE Inicijativa o pokretanju aktivnosti na iznalaženju rješenja za omogućavanje liječenja građana Breze u Kliničkom centru Sarajevo.

II

Nalaže se Stručnoj službi Općinskog vijeća i Općinskog načelnika Općine Breza da usvojenu Inicijativu proslijede Vladi Federacije Bosne i Hercegovine.

II

Zaključak objaviti u „Službenom glasniku Općine Breza“.

Dostavljeno:

1x Općinski načelnik

1x 01/1

1x a/a

PREDSJEDAVAJUĆI

Općinskog vijeća

Anel Rihčić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinsko vijeće
Broj: 01/1-02-3052/23
Datum: 28.09.2023 godine

Na osnovu člana 121. stav 3. Statuta Općine Breza („Službeni glasnik Općine Breza“, broj: 7/21) prilikom Razmatranje Informacije o stanju JP „Komunalno“ d.o.o. Breza, Općinsko vijeće Breza na 32. redovnoj sjednici, održanoj dana 28.09.2023.godine, donosi:

ZAKLJUČAK

I

USVAJA SE prijedlog Općinskog načelnika o održavanju tematske sjednice Općinskog vijeća na temu „Vodovodna infrastruktura i odvoz inertnog otpada u zimskom periodu“ koja će se održati 12. oktobra 2023. godine.

II

Nalaže se Stručnoj službi Općinskog vijeća i Općinskog načelnika i JP „Komunalno“ d.o.o Breza poduzimanje aktivnosti na pripremanju sjednice.

II

Zaključak objaviti u „Službenom glasniku Općine Breza“.

Dostavljeno:
1x Općinski načelnik
1x JP „Komunalno“ d.o.o Breza
1x 01/1
1x a/a

PREDSJEDAVAJUĆI
Općinskog vijeća
Anel Rihčić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinski načelnik
Broj: 01/2-04-3053/23
Datum: 29.09.2023 godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06) i člana 116. Statuta Općine Breza („Službeni glasnik Općine Breza“, broj: 8/09 – Prečišćeni tekst), Općinski načelnik, donosi

P R A V I L N I K **o reprezentaciji i poklonima u Općini Breza**

I – OPĆE ODREDBE

Član 1.

Pravilnikom o reprezentaciji i poklonima u Općini Breza (u daljem tekstu: Pravilnik), utvrđuju se uslovi i način korištenja sredstava reprezentacije, kao i procedure i pravila primanja i davanja poklona u Općini Breza.

Član 2.

Pod reprezentacijom, u smislu ovog Pravilnika, smatra se izdatak koji se javlja u toku redovnog poslovanja općinskih organa i općinskih službi, a podrazumijeva novčana sredstva za ugostiteljske usluge koje se obezbjeđuju iz sredstava Budžeta Općine Breza za potrebe tih organa i službi, u skladu s propisima iz oblasti finansijskog poslovanja.

Pod ugostiteljskim uslugama podrazumijevaju se usluge pripremanja i posluživanja jelima, alkoholnim i bezalkoholnim pićima, toplim i hladnim napitcima koje se vrše od strane pravnog lica registrovanog za obavljanje ugostiteljskih usluga.

Visina sredstava za reprezentaciju utvrđuje se Budžetom Općine Breza za svaku kalendarsku godinu kao posebna budžetska stavka, u skladu s raspoloživim finansijskim sredstvima.

Član 3.

Poklonom, u smislu ovog Pravilnika, smatra se lična korist u vezi vršenja javne funkcije, a podrazumijeva pribavljanje stvari, prava i usluge bez naknade, kao i svaka isplata, usluga ili predmet od vrijednosti učinjene trećem licu, bez naknade ili očekivane naknade.

II – REPREZENTACIJA

Član 4.

Reprezentacija se utvrđuje kao eksterna i interna reprezentacija.

1) Eksterna reprezentacija

Član 5.

Pod eksternom reprezentacijom se podrazumijevaju novčana sredstva za ugostiteljske usluge prilikom posjeta i prijema stranih i domaćih delegacija, odnosno predstavnika stranih državnih organizacija i institucija, kao i predstavnika državnih, entitetskih, kantonalnih i općinskih institucija i organizacija Bosne i Hercegovine.

Član 6.

Pravo na korištenje eksterne reprezentacije imaju Općinski načelnik, predsjedavajući i zamjenik predsjedavajućeg Općinskog vijeća.

Član 7.

Korištenje eksterne reprezentacije može se koristiti kako u sjedištu općinskih organa tako i na teritoriji Bosne i Hercegovine, a visina troškova mora biti razumna i primjerena.

Korištenje eksterne reprezentacije se vrši putem narudžbenice koja mora da sadrži naziv davaoca usluga i vrstu i količinu tražene usluge.

Član 8.

Troškovi eksterne reprezentacije padaju na teren općinskog organa koji je organizovao posjetu i prijem stranih i domaćih delegacija, odnosno predstavnike državnih, entitetskih, kantonalnih i općinskih institucija i organizacija, kao i predstavnike državnih, entitetskih, kantonalnih i općinskih institucija i organizacija Bosne i Hercegovine.

2) Interna reprezentacija

Član 9.

Pod internom reprezentacijom se podrazumijevaju novčana sredstva za ugostiteljske usluge prilikom održavanja sjednica, odnosno radnih sastanaka općinskih organa, odnosno prilikom održavanja sjednica stalnih i povremenih komisija i drugih radnih tijela općinskih organa, kao i prilikom obavljanja redovnih poslova iz nadležnosti općinskih službi.

Član 10.

Pravo na korištenje interne reprezentacije imaju Općinski načelnik, predsjedavajući Općinskog vijeća, zamjenik predsjedavajućeg Općinskog vijeća, savjetnici Općinskog načelnika, sekretar organa državne službe, sekretar Općinskog vijeća, rukovodioci službi-pomoćnici Općinskog načelnika za službe za upravu, rukovodioci stručnih i zajedničkih službi, direktori upravnih organizacija i Općinski pravobranilac.

Član 11.

Troškovi interne reprezentacije padaju na teret općinskog organa ili općinske službe, koji je organizovao sjednicu ili radni sastanak, odnosno koji je obrazovao radno tijelo.

Član 12.

Spisak ovlaštenih lica koja mogu koristiti sredstva eksterne i interne reprezentacije kao i dozvoljena visina sredstava reprezentacije na godišnjem nivou utvrđuje se posebnom odlukom Općinskog načelnika za svaku kalendarsku godinu.

III – POKLONI

1) Primanje poklona

Član 13.

Pravo na prijem poklona imaju Općinski načelnik, predsjedavajući Općinskog vijeća, zamjenik predsjedavajućeg Općinskog vijeća, vijećnici Općinskog vijeća i savjetnici Općinskog načelnika, kada je to u vezi s vršenjem njihove dužnosti i kada ne postoje politički ili ekonomski razlozi zbog kojih ih ne bi trebalo primiti.

Licima iz prethodnog stava je zabranjeno zahtijevanje ili primanje od fizičkih i pravnih lica bilo kakve dobiti, beneficija, naknada u novcu, uslugama ili drugih oblika koristi bez obzira na vrijednost, u namjeri da u okviru svojih ovlasti učini što ne bi smio učiniti ili da ne učini ono što bi bio dužan učiniti.

Član 14.

Državnim službenicima i namještenicima općinskih organa nije dozvoljeno primanje poklona od fizičkih i pravnih lica, osim u korist lica iz člana 13. stav 1. ovog Pravilnika, s tim da isti moraju znati za primanje poklona.

Član 15.

Lica iz člana 13. ovog Pravilnika koja prime poklone čija je tržišna vrijednost veća od 200,00 KM iste ne mogu zadržati za sebe, nego su ih dužni u primjerenom roku predati nadležnoj općinskoj službi, i to:

- a) pokloni koje prime predsjedavajući Općinskog vijeća, zamjenik predsjedavajućeg Općinskog vijeća i vijećnici Općinskog vijeća, predaju se Stručnoj službi Općinskog vijeća i
- b) pokloni koje prime Općinski načelnik i savjetnici Općinskog načelnika, predaju se Stručnoj službi za poslove Općinskog načelnika i koordinaciju rada općinskih službi.

Član 16.

Prilikom predaje poklona, ovlašteno lice nadležne općinske službe iz člana 15. ovog Pravilnika, dužno je izdati potvrdu o predaji poklona, koja sadrži: ime i prezime poklonoprimca, službeno svojstvo, vrstu i opis predmeta poklona, njegovu vrijednost, datum, gas i mjesto preuzimanja, potpis ovlaštenog lica i službeni pečat.

Ovlašteno lice koje je preuzelo predmet poklona odgovorno je za njegovo čuvanje i zaštitu.

Član 17.

Ovlašteno lice nadležne općinske službe dužno je voditi evidenciju o primljenim poklonima čija tržišna vrijednost prelazi iznos iz člana 15. ovog Pravilnika, koja sadrži: redni broj, podatke o poklonodavcu, podatke o poklonoprimcu, vrstu, količinu i vrijednost poklona, datum i mjesto prijema ili uručenja poklona i mjesto gdje je primljeni poklon deponovan.

2) Davanje poklona**Član 18.**

Općinski organi mogu dodijeljivati poklone stranim i domaćim institucijama i organizacijama u povodu jubileja tih institucija i organizacija, njihovog posebnog doprinosa u razvoju pojedinih oblasti i projekata u Općini Breza, kao i istaknutim pojedincima koji su svojim radom i rezultatima rada doprinijeli afirmaciji Općine Breza.

Član 19.

Pravo na davanje poklona imaju Općinski načelnik, predsjedavajući Općinskog vijeća i zamjenik predsjedavajućeg Općinskog vijeća, pod uslovom da tržišna vrijednost poklona ne prelazi iznos od 1.500,00 KM.

Izuzetno, dobitniku javnog priznanja „Povelja grada Breze“ može se dodijeliti poklon čija tržišna cijena ne prelazi iznos od 3.000,00 KM.

IV – ZAVRŠNE ODREDBE**Član 20.**

Na sve ono što nije uređeno ovim Pravilnikom u dijelu koji se odnosi na primanje poklona primjenjivaće se odredbe Zakona o sukobu interesa u organima vlasti u Federaciji Bosne i Hercegovine („Službene novine Federacije BiH“, broj 70/08).

Član 21.

Oblik i sadržaj obrasca potvrde iz člana 16. i obrasca evidencije iz člana 17. ovog Pravilnika utvrdiće se posebnim uputstvom Općinskog načelnika u roku od 30 dana od dana stupanja na snagu ovog Pravilnika.

Član 22.

Pravilnik stupa na snagu danom objavljivanja u „Službenom glasniku Općine Breza“.

Općinski Načelnik
Vedad Jusić, s.r

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinski načelnik
Broj: 01/2-11-2593/23
Datum: 18.08.2023 godine

Na osnovu člana 59. Zakona o budžetima - proračunima u Federaciji BiH ("Sl.novine FBiH" broj: 102/13,9/14,13/14,8/15,91/15,102/15,104/165/18,11/19,99/19 i 25a/22), člana 39. Statuta Općine Breza (Sl. Glasnik općine Breza broj 7/21) i člana 24. Odluke o izvršavanju Budžeta općine Breza za 2023. godinu (Službeni glasnik općine Breza br. 10/22) Općinski načelnik donosi:

**ODLUKA O PRERASPODJELI SREDSTAVA
PLANIRANIH NA BUDŽETSKIM STAVKAMA ZA 2023. GODINU**

Član 1.

Ovom Odlukom uređuje se obim i struktura sredstava koja su predmet preraspodjele.

Član 2.

Preraspodjela se vrši u okviru sredstava planiranih na kontu 821224 – Sredstva za realizaciju projekata u oblasti vodosnadbjevanja, vodovodne i kanalizacione mreže, tako da se iznos od 290.000,00 KM umanjuje za 190.000,00 KM i iznosi 100.000,00 KM, a povećava se konto 821222 – Sredstva za rekonstrukciju, održavanje, sanciju ulica, lokalnih puteva, trgova, parkinga, pješačkih staza, mostova i javnih površina za 190.000,00 KM, i iznosi 540.000,00 KM.

Član 3.

Preraspodjela planiranih sredstava iz člana 2. je neophodna za realizaciju projekta sanacije klizišta i sanaciju ulica, nedostajući dio sredstava.

Član 4.

Preraspoređene pozicije postaju sastavni dio Budžeta općine Breza za 2023. godinu.

Član 5.

Ova Odluka stupa na snagu danom donošenja, a primjenjuje se na Budžet za 2023. godinu.

Član 6.

Odluku objaviti u Službenom glasniku općine Breza.

Općinski načelnik
Vedad Jusić, s.r

S A D R Ž A J

167. Odluka o utvrđivanju javnog interesa;

168. Odluka o usvajanju Programa raspodjele sredstava za podršku realizaciji projekata iz oblasti sportske infrastrukture iz Budžeta Općine Breza za 2023. godinu ;

169. Programom utroška sredstava iz Budžeta Općine Breza za 2023. godinu sa kriterijima raspodjele „Tekući transfer poslodavcima za razvoj poduzetništva i obrta“;

172. Zaključak o nedodjeljivanju poslovnih zgrada i prostorija u vlasništvu Općine Breza političkim strankama u zakup;

173. Zaključak o usvajanju informacije o izvršenju Budžeta Općine Breza za period 01.01.2023.- 30.06.2023. godine;

173. Zaključak o usvajanju Programom utroška sredstava iz Budžeta Općine Breza za 2023. godinu sa kriterijima raspodjele „Tekući transfer poslodavcima za razvoj poduzetništva i obrta“;

174. Zaključak o usvajanju Inicijative o pokretanju aktivnosti na iznalaženju rješenja za omogućavanje liječenja građana Breze u Kliničkom centru Sarajevo;

175. Zaključak o održavanju tematske sjednice Općinskog vijeća;

AKTI OPĆINSKOG NAČELNIKA

176. Pravilnik o reprezentaciji i poklonima u Općini Breza;

179. Odluka o preraspodjeli sredstava

Izdavač: Općina Breza, Stručna Služba Općinskog vijeća, Ulica Bogumilska broj 1.
Telefon: 032/786-061, Fax: 032/786-031